

**Bosna i Hercegovina**  
**Federacija Bosne i Hercegovine**  
**Zeničko-dobojski kanton**  
**OPĆINA VAREŠ**  
**OPĆINSKO VIJEĆE**



**Broj: 01-98/20**  
**Vareš, 30.07. 2020. godine**

**Z A P I S N I K**  
**sa 37. sjednice Općinskog vijeća Vareš,**  
**održane 30.06. 2020. godine**

Predsjedavajući OV pozdravio je sve prisutne.

Izvršena je prozivka vijećnika.

**Prisutni vijećnici:** Mirnes Ajanović, Adis Čizmo, Dženan Džafo, Ilhana Fatić, Nermin Hrvat, Emir Islamović, Kenan Kamenjaš, Demo Kevrić, Lidija Miletović Berberović, Mario Mirčić, Safeta Muftić, Anel Muftić, Nedžad Mušanović, Kruno Riđić, Branko Romić, Elvir Rožajac, Igor Šimić, Nikola Šimić i Fadila Turki.

**Odsutni:** Nema.

Adis Čizmo – predsjedavajući Općinskog vijeća Vareš konstatira da Vijeće može raditi jer ima kvorum za rad sjednice.

Predsjedavajući OV otvorio je 37. sjednicu s početkom u 14,00 sati, u velikoj sali Općine Vareš.

Pored vijećnika sjednici prisustvuju: Općinski načelnik – gosp. Zdravko Marošević, sekretar Općinskog vijeća – gosp. Leon Pavlović, pomoćnici načelnika – gosp. Ermin Musa, gosp. Čedomir Jelić i rukovodilac JURA - gosp. Rusmir Berberović, komandir PVJ – Izudin Muftić, direktorice i direktor javnih ustanova – gosp. Nihada Gondžo, gosp. Ilijana Gavran Radojević, gosp. Vjerana Hinger i gosp. Fikret Operta, direktori javnih preduzeća – gosp. Zafer Kamenjaš, gosp. Suljo Abadžija i gosp. Ivan Miletović i predstavnici medija.

Sekretar OV Leon Pavlović izvijestio je Vijeće o odgovorima na postavljena vijećnička pitanja sa 36. sjednice OV održane 28.05.2020. godine i realizaciji Zaključka. Na 36. sjednici donesen je jedan (1) Zaključak koji je i realizovan. Postavljeno je jedanaest (11) vijećničkih pitanja. Na sva pitanja usmeno je odgovorio Općinski načelnik na samoj sjednici, isti odgovori su dostavljeni i pismeno podnosiocima vijećničkih pitanja.

Općinski načelnik Zdravko Marošević za današnju sjednicu u svom obraćanju o aktualnim pitanjima izvijestio je prisutne o aktivnostima u proteklom periodu. Zbog popuštanja mjera povećao se broj zaraženih u BiH korona virusom COVID 19. Općinski krizni štabovi su prestali sa djelovanjem, ali i dalje je potrebno pridržavati se mjera i preporuka zdravstvenih ustanova i viših nivoa. Tokom nedavnih vremenskih nepogoda na području općine Vareš nije bilo velikih šteta. Upoznao je prisutne o održanom sastanku u Zavidovićima sa predstavnicima ŠPD d.o.o. Zavidovići u vezi aktuelne problematike (radnici koji su dobili otkaz i uništenje puteva).

**adresa:** Zvijezda 34, 71330 Vareš  
**identifikacijski broj:** 4218285300002  
**depozitni račun Unicredit banka:**  
3380002210017420

**tel.:** 00387 32 848 100;  
**fax:** 00387 32 848 150;  
**web:** www.vares.info  
**e-mail:** vares@bih.net.ba



### *(Vijećnička pitanja)*

1. Moje pitanje se odnosi na posljednje poplave koje su se dogodile na prostorima općine Vareš. Izlivanje vode u tunelu, koji je ujedno i regionalni put. Treba što hitnije reagovati, da se pošalje hitna urgencija Kantonu. Ako nam je alternativa da se putuje preko Semizovca do sela Zubeta i Ravni, čemu onda svrha postojanja naše općine?
2. Pitanje odnosi se na problem našeg sugrađanina, koji je imao povredu na radu. Posljedica te povrede bila je, nepokretnost. On je ujedno i radnik šumarije. Njegova porodica je uz saglasnost stanara, koji su pristali da se potpišu, željela bi da renovira poslovni prostor i da se pretvori u stan u prizemlju, kako bi olakšali i onako već težak život našeg sugrađanina. Problem je u uzurpaciji od strane Vareš-stana. Molim načelnika da mu pomognemo.

#### **Kruno Ridić**

3. Pitanje je vezano za posljednje poplave. U nekim MZ poplave su nanijele enormne štete. Uništile su njive, gospodarske objekte. Postoji li mogućnost da ljudima pomognemo u mehanizaciji? (dao je pojašnjenje)
4. Pojavom COVID-a 19 mi smo obećali ugostiteljima da neće raditi, ali da ćemo im pomoći. Oni danas otvoreno pitaju Općinu, mogu li se osloboditi zakupnina za bašte i komunalnih naknada?

#### **Nedžad Mušanović**

5. Razgovarao sam sa par uposlenika firme Alma Ras. Pitali su me da li mogu pokrenuti inicijativu ili postaviti pitanje vezano za dionicu asfaltnog puta od PS Vareš do firme Alma Ras, na kojoj ima nekoliko rupa. Cesta je jako uska, pored koje se često parkiraju automobili? (dao je pojašnjenje)

#### **Demo Kevrić**

6. Pitanje je za načelnika. Uvažavam sve okolnosti u kojima se nalazi Općina Vareš, Kanton a tako i Federacija BiH. Da li postoji mogućnost da se krene ka realizaciji saniranja lokalnih puteva. Tako i puta Pajtov Han-Striježevo-Kokošćići? Kanali su zatrpani, asfalt je popucao tokom izvoza šumskih sortimenata na ovom području. Makadamski put prema Kokošćićima je također u lošem stanju, kanala uopće ni nema, o tome sam obavijestio i gosp. Ermina Musu. Bilo je obećano da će se uraditi potporni zid, ali se nikad ništa nije uradilo.

7. Podružnica Radonjići nema uličnu rasvjetu. Da li postoji mogućnost da se to njima uradi? Na savjet MZ došli su predstavnici Radonjića, bili su spremni da idu načelniku. Prenosim zahtjeve mještana. Zamolio bih da se krene u realizaciju. (dao je pojašnjenje)

### **Adis Čizmo**

8. Zamolio bih načelnika a s obzirom da je ovdje i direktor JKP gosp. Zafer Kamenjaš, da u koliko budu u mogućnosti, da izvrše zavarivanje ili neki drugi vid popravke ljujački u dječijem parku u Varešu. Mislim da ste obilazili, ali s obzirom da sam imao upite i od strane roditelja, zamolio bih vas da se to popravi. Mislim da su troškovi popravke minimalni.(dao je pojašnjenje)

### **Dženan Džafo**

9. Moje pitanje se odnosi na posljedice na još uvijek aktuelnu pandemiju COVID-19. Nedavno naložene mjere u vidu zabrane rada privrednih subjekata, poprimile su negativne efekte koje su se manifestovale otpuštanjem značajnog broja radnika i gašenjem privrednih subjekata. Ono što javnost zanima jeste da li mi imamo egzaktan podatak o broju radnika koji su ostali bez zaposlenja?

Općinski načelnik dao je usmene odgovore na postavljena vijećnička pitanja na samoj sjednici.

Predsjedavajući OV stavio je na raspravu Zapisnik sa 36. sjednice OV.

Nije bilo primjedbi i zamjenik predsjedavajućeg OV stavio je na izjašnjavanje Zapisnik sa 36. sjednice OV i nakon izjašnjavanja vijećnika konstatuje da je **jednoglasno sa (16 glasova „ZA“)** (odsutni vijećnici: Kenan Kamenjaš, Igor Šimić i Lidija Miletović Berberović) **usvojen Zapisnik sa 36. sjednice OV.**

Predsjedavajućeg OV stavio je na raspravu prijedlog dnevnog reda za 37. sjednicu OV koji je usaglašen na Kolegiju Općinskog vijeća.

Nije bilo rasprave i predsjedavajući OV stavio je na izjašnjavanje prijedlog dnevnog reda za 37. sjednicu OV.

Nakon izjašnjavanja vijećnika predsjedavajući OV konstatuje da je **jednoglasno (sa 17 glasova „ZA“)** (odsutni vijećnici Igor Šimić i Lidija Miletović Berberović) **usvojen sljedeći**

### ***Dnevni red***

1. Prijedlog Odluke o prodaji nekretnine radi oblikovanja građevinske parcele.
  - Izvjestilac: Ermin Musa.
2. Prijedlog Odluke o utvrđivanju statusa javnog dobra u općoj upotrebi (Budoželje, općina Vareš).
  - Izvjestilac: Ermin Musa.

3. Prijedlog Rješenja o prenosu prava vlasništva u korist Općine Vareš na nekretninama z.k. 2123 i 2445. k.o. SP Vareš.
  - Izvjestilac: Ermin Musa.
4. Izvještaj o radu Javnog komunalnog preduzeća d.o.o. Vareš za 2019. godinu.
  - Izvjestilac: Direktor JP.
5. Izvještaj o radu i poslovanju JP „Veterinarska stanica“ d.o.o. Vareš za 2019. godinu.
  - Izvjestilac: Direktor JP.
6. Izvještaj o radu i finansijskom poslovanju JP „Vareš-stan“ d.o.o. Vareš za 2019. godinu.
  - Izvjestilac: Direktor JP.
7. Izvještaj o radu JU „Dom zdravlja“ Vareš za 2019. godinu.
  - Izvjestilac: Direktor JU
8. Izvještaj o radu JU „Centar za socijalni rad Vareš za 2019. godinu.
  - Izvjestilac: Direktorica JU.
9. Izvještaj o radu i poslovanju JPU „Dječije obdanište Vareš“ za 2019. godinu.
  - Izvjestilac: Direktorica JU.
10. Izvještaj o radu JU Opća biblioteka Vareš za 2019. godine.
  - Izvjestilac: Direktorica JU.
11. Izvještaj o radu JU „Centar za kulturu i edukaciju“ Vareš za 2019. godinu.
  - Izvjestilac: Direktorica JU.
12. Izvještaj o radu Savjeta mjesnih zajednica sa područja općine Vareš u 2019. godini.
  - Izvjestilac: Čedomir Jelić
13. Informacija o provođenju programa razvoja zaštite i spašavanja ljudi i materijalnih dobara od prirodnih i drugih nesreća na području općine Vareš za period 2016-2021. godine, za 2019. godinu.
  - Izvjestilac: Ibrahim Spahić.
14. Informacija o stanju opremljenosti Profesionalne vatrogasne jedinice Općine Vareš i DVD Općine Vareš.
  - Izvjestilac: Ibrahim Spahić.
15. Informacija o realizovanim projektima deminiranja kao i preostaloj sumnjivoj površini na području općine Vareš za 2019. godinu.
  - Izvjestilac: Ibrahim Spahić.
16. Tekuća pitanja.

## **Ad. 1.**

*(Prijedlog Odluke o prodaji nekretnine radi oblikovanja građevinske parcele.)*

Predlagač nije imao dodatno pojašnjenje.

Nije bilo rasprave i predsjedavajući OV stavio je na izjašnjanje Prijedlog Odluke o prodaji nekretnine radi oblikovanja parcele.

Nakon izjašnjanja vijećnika predsjedavajući OV konstatuje da je **jednoglasno (sa 17 glasova „ZA“)** (odsutni vijećnici Igor Šimić i Lidija Miletović Berberović) **usvojena**

***Odluka o prodaji nekretnine radi oblikovanja građevinske parcele.***

## **Ad. 2.**

*(Prijedlog Odluke o utvrđivanju statusa javnog dobra u općoj upotrebi (Budoželje, općina Vareš))*

Predlagač nije imao dodatno pojašnjenje.

Otvorena je rasprava u kojoj je učestvovao vijećnik Kruno Riđić.

Zaključena je rasprava i predsjedavajući OV stavio je na izjašnjanje Prijedlog Odluke o utvrđivanju statusa javnog dobra u općoj upotrebi (Budoželje, općina Vareš).

Nakon izjašnjanja vijećnika predsjedavajući OV konstatuje da je **jednoglasno (sa 17 glasova „ZA“)** (odsutni vijećnici Igor Šimić i Lidija Miletović Berberović) **usvojena**

***Odluka o utvrđivanju statusa javnog dobra u općoj upotrebi (Budoželje, općina Vareš).***

## **Ad.3.**

*(Prijedlog Rješenja o prenosu prava vlasništva u korist Općine Vareš na nekretninama z.k 2123 i 2445. k.o. SP Vareš.)*

Predlagač nije imao dodatno pojašnjenje.

Nije bilo rasprave po ovoj tački dnevnog reda i predsjedavajući OV stavio je na izjašnjanje Prijedlog Rješenja o prenosu prava vlasništva u korist Općine Vareš na nekretninama z.k 2123 i 2445. k.o. SP Vareš

Nakon izjašnjanja vijećnika predsjedavajući OV konstatuje da je **jednoglasno (sa 17 glasova „ZA“)** (odsutni vijećnici Igor Šimić i Lidija Miletović Berberović) **usvojeno**

***Rješenje o prenosu prava vlasništva u korist Općine Vareš na nekretninama z.k 2123 i 2445. k.o. SP Vareš.***

#### **Ad.4.**

*(Izveštaj o radu Javnog komunalnog preduzeća d.o.o. Vareš za 2019. godinu.)*

Otvorena je rasprava u kojoj su svoja mišljenja, stavove i pitanja iznijeli vijećnici: Kruno Riđić, Elvir Rožajac, Emir Islamović, Mirnes Ajanović, Safeta Muftić, Đemo Kevrić, Nikola Šimić, Adis Čizmo i Općinski načelnik Zdravko Marošević.

Direktor JKP d.o.o. Vareš gosp. Zafer Kamenjaš u svom obraćanju dao je neka dodatna pojašnjenja i odgovore na postavljena pitanja vijećnika u raspravi koja se odnose na nastavak radova na kanalizacijskoj mreži, projekt upravljanja otpadom i uređenjem deponije „Kota“, vodovod u MZ Pogar, raspored sredstava od dobiti, sanacija puteva, sanacija dječijeg igrališta i sl.

Zaključena je rasprava i predsjedavajući OV stavio je na izjašnjavanje Izveštaj o radu Javnog komunalnog preduzeća d.o.o. Vareš za 2019. godinu.

Nakon izjašnjavanja vijećnika predsjedavajući OV konstatuje da **jednoglasno (sa 18 glasova „ZA“)** (odsutna vijećnica Lidija Miletović Berberović) **prihvaćen**

***Izveštaj o radu Javnog komunalnog preduzeća d.o.o. Vareš za 2019. godinu.***

#### **Ad.5.**

*(Izveštaj o radu i poslovanju JP „Veterinarska stanica“ d.o.o. Vareš za 2019. godinu.)*

Otvorena je rasprava u kojoj su učestvovali vijećnici: Nedžad Mušanović, Elvir Rožajac, Mario Mirčić, Safeta Muftić i Adis Čizmo.

Direktor JP „Veterinarska stanica“ d.o.o. Vareš gosp. Suljo Abadžija u svom kratkom obraćanju dao je pojašnjenje u vezi visine ličnog dohotka zaposlenih u preduzeću i skrenuo pažnju na broj oboljelih goveda od bruceloze u 2019. godini.

Zaključena je rasprava i predsjedavajući OV stavio je na izjašnjavanje Izveštaj o radu i poslovanju JP „Veterinarska stanica“ d.o.o. Vareš za 2019. godinu.

Nakon izjašnjavanja vijećnika predsjedavajući OV konstatuje da **jednoglasno (sa 19 glasova „ZA“)** **prihvaćen**

***Izveštaj o radu i poslovanju JP „Veterinarska stanica“ d.o.o. Vareš za 2019. godinu.***

## **Ad.6.**

*(Izveštaj o radu i finansijskom poslovanju  
JP „Vareš-stan“ d.o.o. Vareš za 2019. godinu.)*

Otvorena je rasprava u kojoj su svoja mišljenja, stavove i primjedbe iznijeli vijećnici: Kruno Ridić, Elvir Rožajac, Branko Romić, Mario Mirčić, Emir Islamović i Safeta Muftić.

Direktor JP „Vareš-stan“ do.o.o. Vareš gosp. Ivan Miletović u svom kratkom obraćanju, a u vezi diskusije po ovoj tački dnevnog reda izjavio je da su objekti u gradu amortizovani i da su potrebna veća ulaganja za održavanje zgrada sa akcentom na fasade.

Zaključena je rasprava i predsjedavajući OV stavio je na izjašnjavanje Izveštaj o radu i finansijskom poslovanju JP „Vareš-stan“ d.o.o. Vareš za 2019. godinu.

Nakon izjašnjavanja vijećnika predsjedavajući OV konstatuje da sa **7 glasova „ZA“, 2 glasa „PROTIV“ i 10 „SUZDRŽANIH“ glasova nije prihvaćen**

***Izveštaj o radu i finansijskom poslovanju  
JP „Vareš-stan“ d.o.o. Vareš za 2019. godinu.***

## **Ad.7.**

*(Izveštaj o radu JU Dom zdravlja Vareš za 2019. godinu.)*

Predsjedavajući OV upoznao je prisutne da je u sastavu Izveštaja i Informacija o stanju terenskih ambulanti na području općine Vareš, s obzirom da je ista bila planirana u Programu rada OV kao zasebna cjelina.

Otvorena je rasprava u kojoj su svoja mišljenja i pitanja iznijeli vijećnici: Kruno Ridić, Elvir Rožajac, Adis Čizmo, Đemo Kevrić ( predložio je da se eventualna sredstva i projekti koji bi trebali da se rade od strane menadžmenta Doma zdravlja Vareš, akcentiraju na poboljšanje stanja terenskih ambulanti, o istom je dao pojašnjenje), Branko Romić i Općinski načelnik Zdravko Marošević (izjavio je da će u što skorije vrijeme pristupiti se sanaciji terenskih ambulanti-građevinski radovi).

Direktor JU Dom zdravlja Vareš gosp. Fikret Operta u svom obraćanju upoznao je prisutne o radu i stanju Doma zdravlja Vareš sa akcentom na rad u vrijeme pandemije koronavirusom COVID 19. Također je upoznao prisutne o stanju terenskih ambulanti i poduzete aktivnosti na sagledavanju potrebnih radova na sanaciji istih.

U daljnjoj raspravi su učestvovala vijećnice: Ilhana Fatić (koja je ispred JU Dom zdravlja dala pojašnjenja u vezi važnosti vakcinisanja djece) i Lidija Miletović Berberović (testiranje djece Male škole na Covid 19 koja se vraćaju sa raspusta u ustanovu).

Zaključena je rasprava i predsjedavajući OV stavio je na izjašnjavanje Izveštaj o radu JU Dom zdravlja Vareš za 2019. godinu.

Nakon izjašnjavanja vijećnika predsjedavajući OV konstatuje da je sa **17 glasova „ZA“ i 2 „SUZDRŽANA“ glasa prihvaćen**

***Izveštaj o radu JU Dom zdravlja Vareš za 2019. godinu.***

#### **Ad.8.**

*(Izveštaj o radu JU „Centar za socijalni rad“ Vareš za 2019. godinu.)*

Otvorena je rasprava u kojoj su svoja mišljenja i stavove iznijeli vijećnici Kruno Ridić i Nedžad Mušanović.

Direktorica JU „Centar za socijalni rad“ Vareš gosp. Nihada Gondžo u svom obraćanju dala je odgovor na postavljeno pitanje vijećnika u raspravi u vezi saradnje i aktivnosti javne ustanove sa Human apel Internacional u nabavci košnica pčela za dvije porodice.

Zaključena je rasprava i predsjedavajući OV stavio je na izjašnjavanje Izveštaj o radu JU „Centar za socijalni rad“ Vareš za 2019. godinu.

Nakon izjašnjavanja vijećnika predsjedavajući OV konstatuje da je **jednoglasno sa (18 glasova „ZA“)** (odsutan vijećnik Elvir Rožajac) **prihvaćen**

***Izveštaj o radu JU „Centar za socijalni rad“ Vareš za 2019. godinu.***

#### **Ad.9.**

*(Izveštaj o radu i poslovanju  
JPU „Dječije obdanište Vareš“ za 2019. godinu.)*

Nije bilo rasprave i predsjedavajući OV stavio je na izjašnjavanje Izveštaj o radu i poslovanju JPU „Dječije obdanište Vareš“ za 2019. godinu.

Nakon izjašnjavanja vijećnika predsjedavajući OV konstatuje da je **jednoglasno (sa 18 glasova „ZA“)** (odsutan vijećnik Elvir Rožajac) **prihvaćen**

***Izveštaj o radu i poslovanju  
JPU „Dječije obdanište Vareš“ za 2019. godinu.***

#### **Ad.10.**

*(Izveštaj o radu JU Opća biblioteka Vareš za 2019. godinu.)*

Otvorena je rasprava u kojoj su učestvovali vijećnici Kruno Ridić i Branko Romić.

Zatvorena je rasprava i predsjedavajući OV stavio je na izjašnjavanje Izveštaj o radu JU Opća biblioteka Vareš.

Nakon izjašnjavanja vijećnika predsjedavajući OV konstatuje da je **jednoglasno (sa 18 glasova „ZA“)** (odsutan vijećnik Elvir Rožajac) **prihvaćen**

***Izveštaj o radu JU Opća biblioteka Vareš za 2019. godinu.***



#### **Ad.11.**

*(Izveštaj o radu JU „Centar za kulturu i edukaciju“ Vareš za 2019. godinu.)*

Nije bilo rasprave i predsjedavajući OV stavio je na izjašnjanje Izveštaj o radu JU „Centar za kulturu i edukaciju“ Vareš za 2019. godinu.

Nakon izjašnjanja vijećnika predsjedavajući OV konstatuje da je **sa 12 glasova „ZA“ i 6 „SUZDRŽANIH“ glasova** (odsutan vijećnik Elvir Rožajac) **prihvaćen**

***Izveštaj o radu  
JU „Centar za kulturu i edukaciju“ Vareš“ za 2019. godinu.***

Predsjedavajući OV dao je pauzu u trajanju 20 minuta.

Nastavljeno je sa radom sjednice.

#### **Ad.12.**

*(Izveštaj o radu Savjeta mjesnih zajednica  
sa područja općine Vareš u 2019. godini.)*

Nije bilo rasprave po ovoj tački dnevnog reda i predsjedavajući OV stavio je na izjašnjanje Izveštaj o radu Savjeta mjesnih zajednica sa područja općine Vareš u 2019. godini.

Nakon izjašnjanja vijećnika predsjedavajući OV konstatuje da je jednoglasno (**sa 13 glasova „ZA“**) (odsutni vijećnici: Nikola Šimić, Mario Mirčić, Igor Šimić, Lidija Miletović Berberović, Demo Kevrić i Mirnes Ajanović) **usvojen**

***Izveštaj o radu Savjeta mjesnih zajednica  
sa područja općine Vareš u 2019. godini.***

#### **Ad.13.**

*(Informacija o provođenju Programa razvoja zaštite i  
spašavanja ljudi i materijalnih dobara od prirodnih i drugih nesreća  
na području općine Vareš za period 2016-2021. godine, za 2019. godinu.)*

U raspravi je učestvovao vijećnik Kruno Riđić.

Zaključena je rasprava i predsjedavajući OV konstatuje **uz Zaključak da je Vijeće primilo k znanju**

***Informaciju o provođenju Programa razvoja zaštite i  
spašavanja ljudi i materijalnih dobara od prirodnih i drugih nesreća  
na području općine Vareš za period 2016-2021. godine, za 2019. godinu.***

#### **Ad.14.**

*(Informacija o stanju opremljenosti Profesionalne vatrogasne jedinice Općine Vareš i DVD Općine Vareš.)*

Nije bilo rasprave po ovoj tački dnevnog reda i predsjedavajući OV konstatuje **uz Zaključak da je Vijeće primilo k znanju**

*Informaciju o stanju opremljenosti Profesionalne vatrogasne jedinice Općine Vareš i DVD Općine Vareš.*

#### **Ad.15.**

*(Informacija o realizovanim projektima deminiranja kao i preostaloj sumnjivoj površini na području općine Vareš za 2019. godinu.)*

Otvorena je rasprava u kojoj su svoja mišljenja, prijedloge i pitanja iznijeli vijećnici: Elvir Rožajac, Branko Romić, Kruno Riđić ( predložio je OV da zaduži Općinskog načelnika i nadležne službe da neko lobira, insistira i traži da se deminiranje Ravne 1. i 2., Zubeta, Zubeta 1. i ostala područja, po nekom programu i nekom roku završi.), Emir Islamović i Općinski načelnik Zdravko Marošević (upoznao je prisutne o aktivnostima Općine Vareš sa MAK-om i izrade studije deminiranja, o istom je dao pojašnjenje).

Zaključena je rasprava i predsjedavajući OV konstatuje **uz Zaključak da je Vijeće primilo k znanju**

*Informaciju o realizovanim projektima deminiranja kao i preostaloj sumnjivoj površini na području općine Vareš za 2019. godinu.*

#### **Ad.16.**

*(Tekuća pitanja.)*

Predsjedavajući OV upoznao je prisutne sa pristiglom poštom:

1. Zahtjev za dostavljanje informacije (realizacija projekta „Rekonstrukcija dijela puta Vareš-Očevija), broj: 11/20 od 29.06.2020. godine dostavljen od MZ Očevija.

Općinski načelnik je u svom izlaganju upoznao Vijeće da je u toku realizacija projekta (putnih pravaca) Strica-Zaruđe i Vareš-Očevija. Procedura se provedena u skladu sa Zakonom o javnim nabavkama. Izvođač za navedene projekte je „Tuzlić“ iz Breze. Očekivati je da će kompanija krenuti sa radovima zavisno od vremenskih uslova. Uglavnom ovi projekti će biti završeni.

2. Zahtjev za pomoć oko saniranja šteta nastalih posljednjim poplavama, broj:1/2020 od 25.06.2020. godine dostavljen od Savjeta MZ Duboštica.

Općinski načelnik u svom izlaganju obećao je da će se pristupiti sanaciji šteta koje su posljedica poplava u ovoj i u drugim Mjesnim zajednicama na području općine Vareš. U sanaciji će se pokušati angažovati RJ Šumarija Olovo i Vareš.

3. Zahtjev za hitno rješavanje problema isplate plaća uposlenicima organa uprave Općine Vareš, broj:01-2/20 od 25.06.2020. godine, dostavljen od Sindikalne organizacije Općine Vareš.

Općinski načelnik u svom obraćanju iznio je mišljenje o trenutnom stanju u Općini Vareš, teškoj finansijskoj situaciji i po njegovom mišljenju, razlozima što je općina Vareš u takvoj situaciji (smanjeno punjenje proračuna, veliki broj zaposlenih sa akcentom na upošljavanje iz ranijeg perioda bez stvarne potrebe, broj zaposlenih po GAP projektu - šalter sala i sl). Izrazio je nezadovoljstvo i uputio kritike prema određenom broju zaposlenih. Podsjetio je prisutne da Općina Vareš očekuje finansijska sredstva koja će Federacija BiH preko kantona dodijeliti lokalnim zajednicama i sredstva od koncesija, koja su u proceduru.

Predsjedavajući OV predložio je i stavio na izjašnjavanje

**Zaključak u formi preporuke Općinskom načelniku da pokuša iznaći rješenje za prevazilaženje problema isplate plaća u što kraćem vremenskom roku.**

Nakon izjašnjavanja vijećnika predsjedavajući OV konstatuje da je **jednoglasno usvojen predloženi Zaključak.**

Sastavni dio ovog Zapisnika je audio zapis sjednice.

Sjednica je završena u 18,25 sati.

***SEKRETAR***

**Leon Pavlović**

***ZAPISNIČAR***

**Azra Pijadžer**

***PREDSJEDAVALJUĆI  
OPĆINSKOG VIJEĆA***

**Adis Čizmo**